

Dia 21 December den Cas di Cultura

Teatro Talento Juvenil ta presenta "Luz di Pasco"

ORANJESTAD(AAN)--

Un grupo di mucha ta haya un tarea especial: nan mester bay hiba un bela, cu ta representa e Luz di Pasco, na un persona cu realmente tin necesidad di e Luz di Pasco den su bida. Un tarea, cu ta bay significa cambio grandi den bida di Señor Adriaan, un homber terco, cu no kier pone su pensamiento un banda. Esaki ta e raiz di e obra "Luz di Pasco", cu lo keda presenta pa Teatro Talento Juvenil den Cas di Cultura dia 21 di December.

Diasabra e grupo Teatro Talento Juvenil, bao direccion di Lilia Caster-Luidens, kende a crea diferente obra di teatro pa juventud, a tene nan ensayo. DIARIO asina a cera conoci cu e obra, cu lo keda presenta dia 21 di December den Cas di Cultura.

Ta trata di un obra, cu mester hiba un mensahe central: laga e luz di Pasco kibra bareranan cu hende mes ta crea y ta stroba nan di alcanza felicidad.

E obra ta worde presenta na forma unico pa Asiana Chirino



(maestra), Yvette Geerman (Mayra), Jahaira Caster (Yvonne), Rudy Croes (Servanio), Monica Werleman (Juanita), Junior Arends

(Boy), Ariana Chirino (Sara e sirvienta), Marion Lopez (Shon Adriaan), Judith Ras-mijn (Pascualita), Richard Dabian (Joy), Melissa Caster

(Noelia) y Rachel Caster (mucha).

Central den e obra ta un bela di Pasco, cu ta keda entrega na un grupo di mucha, cu mester

bay entregue na un persona den un situacion desesperante. Entre varios posibilidad, nan ta dicidi pa hiba e bela, e Luz di Pasco, pa señor, kende pa motibo di rencor contra su yiu, ta biba isola.

Promer Adriaan ta nenga e Luz di Pasco, pero na final nan ta logra convence y asina un etapa nobo den bida di señor Adriaan ta cumenza.

Durante e obra, e koor di Maybelline Arends lo presenta varios cantica nobo, entre nan Bela di Pasco, componi especialmente pa e obra dor di Lilia Caster. E obra conmovedor tin su momentonan serio, emocionante, humoristico, pero principalmente ta hiba e mensahe di Pasco.

E decor no tabata cha Diasabra pero den Cas di Cultura e lo consisti entre otro di un pesebre enorme, cu lo worde traha pa Mag ly Arends.

Dia 21 di December Aruba por disfruta di Luz di Pasco den Cas di Cultura for di 8 or di anochi. Entrada ta 5 Florin pa persona.